

|            |                                                                                                           |
|------------|-----------------------------------------------------------------------------------------------------------|
| Expediente | EXPTES.- 2025026747 - 2025005734                                                                          |
| Asunto     | EXPOSICIÓN PÚBLICA DA CONTA XERAL DA DEPUTACIÓN PROVINCIAL DE PONTEVEDRA CORRESPONDENTE Ó EXERCICIO 2024. |
| Trámite    | Certificación de informe emitido pola Comisión Especial de Contas e de non presentación de alegacións     |

Carlos Cuadrado Romay, secretario da Deputación Provincial de Pontevedra,  
CERTIFICO:

**PRIMEIRO.-**

Que a Comisión Especial de Contas, na súa sesión ordinaria do 23 de maio de 2025, adoptou o seguinte acordo:

**ASUNTO:**

**INFORME SOBRE A CONTA XERAL DA DEPUTACIÓN PROVINCIAL DE PONTEVEDRA, CORRESPONDENTE Ó EXERCICIO 2024. (EXPTES.- 2025026747-2025005734)**

*O Presidente da Comisión toma a palabra para indicar ós Sres./as. Deputados e Deputadas que en cumprimento do artigo 212 do R.D.L 2/2004 Lei das Facendas Locais, o expediente da Conta Xeral da Deputación de Pontevedra do exercicio 2024 formada pola Intervención debe someterse a informe da Comisión Especial de Contas.*

*Deste xeito a documentación da Conta Xeral da Deputación de Pontevedra do exercicio 2024, que inclúe a conta da propia Deputación de Pontevedra, a da Escola Universitaria de Enfermería, a do Consorcio Provincial de Pontevedra para a Prestación do Servizo contra Incendios e Salvamento, a do Consorcio para o Servizo Contra incendios e Salvamento das Comarcas do Deza e Tabeirós-Terra de Montes e a conta consolidada, foi posta a disposición das persoas integrantes da Comisión no prazo establecido no artigo 212 da Lei 5/1997 de Administración Local de Galicia para o seu exame e consulta.*

*O Presidente pregunta ós Sres./as. Deputados e Deputadas si teñen algunha cuestión ou consulta sobre o informe da Conta Xeral, non producíndose ningunha intervención.*

*Sometido a votación o informe da Conta Xeral da Deputación de Pontevedra correspondente ó exercicio 2024, obtívose o seguinte resultado:*

*Votos a favor: nove (9), do grupo provincial do Partido Popular (PP)*

*Votos en contra: ningún (0)*

*Abstencións: oito (8), sendo seis (6) do grupo provincial do Partido Socialista de*



*Galicia (PSG-PSOE), e duas (2) do grupo provincial do Bloque Nacionalista Galego (BNG)*

*En consecuencia, a Comisión Especial de Contas, cos votos a favor dos Sres./as. Deputados e Deputadas do Grupo provincial do PP, e abstencións dos grupos provinciais do Partido Socialista de Galicia (PSG-PSOE) e do Bloque Nacionalista Galego (BNG), ACORDA:*

- 1. Informar favorablemente a Conta Xeral da Deputación de Pontevedra do exercicio 2024, que inclúe a conta da propia Deputación, a da Escola Universitaria de Enfermería, a do Consorcio Provincial de Pontevedra para a Prestación do Servizo contra Incendios e Salvamento, a do Consorcio para o Servizo Contraincendios e Salvamento das Comarcas do Deza e Tabeirós-Terra de Montes, e a conta consolidada, nos termos e coa documentación que consta nos expedientes CIVIDAS números 2025026747-2025005734.*
- 2. Expoñer ó público a documentación que figura no expediente da Conta Xeral da Deputación de Pontevedra do exercicio 2024 durante un período de quince días, de conformidade co establecido no artigo 212.3 do Real Decreto Lexislativo 2/2004 de 5 de marzo polo que se aproba o texto refundido da Lei reguladora das Facendas Locais (modificado pola D.F. 19ª da Lei 11/2020 de 30 de decembro de Presupuestos Generales del Estado para o ano 2021), durante os cales os interesados poderán presentar as reclamacións, reparos ou observacións que estimen pertinentes, entendéndose definitiva si no citado prazo de exposición pública non se presentara ningunha reclamación, reparo ou observación.*

## **SEGUNDO.-**

Que constan no expediente copia do anuncio de exposición pública da Conta Xeral da Deputación Provincial de Pontevedra correspondente ao exercicio de 2024, publicado no Boletín Oficial da Provincia de Pontevedra número 99 de data 27 de maio de 2025 e informe de publicación da documentación do expediente na web institucional desde o 27 de maio ata o 18 de xuño de 2025.

## **TERCEIRO.-**

Que consta no expediente informe do Xefe de Negociado do Rexistro de non presentación de alegacións durante o período de exposición pública da Conta Xeral da Deputación Provincial de Pontevedra correspondente ao exercicio de 2024, por un prazo de quince días hábiles, que comprende desde os días 28 de maio ao 17 de xuño de 2025 (ambos inclusive).



E para que conste, a efectos de unión ao expediente da súa razón esténdese a presente, de orde e co visto e praxe do Deputado Delegado da área de Xestión Tributaria, Patrimonio, Formación e Emerxencias.

(Delegación efectuada por R.P. nº 2025000361 de data 20-01-2025)  
Sinaturas dixitais.

